

Ang Orihinal ug Dili Mausab nga Kasuguan Sa Dios



“Ayaw kamo paghunahuna nga mianhi ako aron sa pagbungkag sa kasugoan o sa mga profeta; ako mianhi dili sa pagbungkag kondili sa pagtuman niini. Kay sa pagkatinuod, sultihan ko kamo, nga samtang magalungtad pa ang langit ug ang yuta, walay pagasayloan sa kasugoan bisan usa nalang ka kudlit o usa ka tulpok niini hangtud ang tanan matuman.” (Mateo 5:17-19)

Adunay nangutana usa ka ulitawong dato; “...Magtutudlo unsa bay maayong buhaton ko aron makapanag-iy sa kinabuhing dayon?... Kon gusto kang musulod sa kinabuhi, bantaye ang mga sugo.” (Mateo 19:16-17)

Supak sa mga naila nga pagtulun-an karon nga wala nay kasugoan ug nga kini

gilansang na didto sa krus, gipamatud-an sa atong Dios nga si Jesus nga ang Iyang kasugoan magpabilin samtang anaa pa ang langit ug ang yuta ug nga Siya wala mianhi sa kalibu-tan aron sa pagbungkag niini apan hinoon sa pagtuman niini. Sa Iyang pagkinabuhi Iyang gipakita kanato nga possible ang pagsunod Kaniya sa hingpit ug Siya mao ang atong ehemplo. Kini dili gayod Niya usbon bisan kanus-a pa tungod kay kita gisultihan nga, “Dili ko paglapason ang akong tugon, ni pag-ilisdan ang butang nga migula sa akong mga ngabil.” Salmo 89:34 ug “....Kay ako, si Jehova, walay pagkabalhin;” Malaquias 3:6.

Tungod kay kita ania na sa katapusang mga adlaw, ang kaaway sa Dios, ang Yawa, na-ngita’g pamaagi aron ang kasugoan sa Dios dili masunod ug dili mapaila ngadto sa mga tawo. Ug hilabihan ang Iyang pagpaning-kamot nga kita magpabilin diha sa kasal-anan, ug ang pagpakasala “mao may pag-lapas sa sugo” 1 Juan 3:4. Ug tungod usab sa kasal-anan, kitang tanan nahimulag gikan sa Dios. Isaias 59:2. Gusto sa kaaway nga kitang tanan magpabiling nahimulag gikan sa Dios ug nga dili na kita mapasig-uli pa ngadto Kaniya. Pero ang Dios maloloy-on nga tungod sa Iyang gugma alang kanato, Iyang gipadala ang Iyang bugtong nga Anak, aron kon kinsa man ang motoo Kaniya dili malaglag, kondili may kinabuhing dayon. Juan 3:16.

“Kung kamo nahigugma kanako, bantayi ang Akong mga sugo.” Juan 14:15

Ang atong gugma ngadto sa Dios kinahanglan mapakita pinaagi sa atong pagsunod Kaniya, dili tungod sa ganti nga naghulat kon kita magmatinumanon, o sa

silot kon kita magmalinapason. Ang pagsunod sa Dios kinahanglan tungod lamang sa gugma. Karon, unsaon man kon ang atong nadawat nga pagtulon-an supak sa Iyang gisulti? Tungod niini, mao kini ang tinguha niining basahona aron ipa-ambit ang tinuod ug orihinal nga Kasugoan sa Dios, kasugoan nga magpa-bilin sa kahangturan ug dili mahimong usbon ni bisan kinsa.

Higala, giampo ko nga ang Balaang Espiritu mao ang makigsulti ug mulihok diha kanimo. Hinaut nga ablihan nimo ang imong kasingkasing ug hunahuna sa pagdawat niining mga pulonga.

“Kay ang paghigugma alang sa Dios mao kini, Nga pagabantayan ta ang Iyang mga sugo.” 1 Juan 5:3

ANG ORIHINAL NGA 10 KASUGO SA DIOS

-1-

“Dili ka magbaton ug lain nga mga dios sa atubangan ko.” (Exo. 20:3)

-2-

“Alang kanimo dili ka magbuhat ug usa ka larawan nga linilok bisan sa dagway sa bisan unsang butanga nga atua sa itaas sa langit, kun dinhi sa ilalum sa yuta, kun sa anaa sa tubig sa ilalum sa yuta: Dili mo iyukbo ang imong kaugalingon kanila, ni mag-alagad kanila; kay ako si Jehova nga imong Dios, mao ang Dios nga abughoan, nga nagadu-aw sa pagkadautan sa mga amahan sa ibabaw sa mga anak, sa ibabaw sa Ikatolo ug sa ibabaw sa ikaupat ka kaliwatan sa mga nagadumot kanako.” (Exo. 20:3-4)

-3-

“Dili mo paggamiton ang ngalan ni Jehova nga imong Dios sa pasipala, kay si Jehova dili mag-isip nga walay sala niadtong nagagamit sa iyang ngalan sa pasipala.” (Exo. 20:7)

-4-

“Hinumduman mo ang adlaw nga igpapahulay, aron sa pagbalaan niini. Sa unom ka adlaw magbuhat ka, ug buhaton mo ang tanan nga imong buhaton; apan ang adlaw nga ikapito maoy usa ka adlaw nga igpapahulay alang kang Jehova nga imong Dios, niining adlaw dili ka magbuhat, ikaw, bisan ang imong anak nga lalake, bisan ang imong anak babaye, bisan ang imong sulogoon nga lalake, bisan ang imong sulogoon nga babaye, bisan ang imong kahayupan, bisan ang imong dumuloong nga anaa sa sulod sa imong pultahan. Kay sa unom ka adlaw gibuhay ni Jehova ang langit ug yuta, ang dagat ug ang tanan nga anaa niini, ug mipahulay siya sa ikapito ka adlaw; busa gipanalanginan ni Jehova ang adlaw nga igpapahulay, ug gibalaan niya kini.” (Exo. 20:8-11)

-5-

“Tahuron mo ang imong amahan ug ang imong inahan, aron magahataas ang imong mga adlaw sa yuta nga ginahatag kanimo ni Jehova nga imong Dios.” (Exo 20:12)

-6-

“Dili ka magpatay.” (Exo. 20:13)

-7-

“Dili ka magpanapaw.” (Exo. 20:14)

-8-

“Dili ka magpangawat” Exo. 20:15)

-9-

“Dili ka magsaksi ug bakak batok sa imong isigkatawo.” (Exo. 20:16)

-10-

“Dili ka maibug sa balay sa imong isigkatawo; dili ka maibug sa asawa sa imong isigkatawo, ni sa iyang sulogoon nga lalake, ni sa iyang sulogoon nga babaye, ni sa iyang baka ni sa iyang asno, ni sa bisan unsang butanga nga iya sa imong isigkatawo.” (Exo. 20:17)

“Kay bisan kinsa nga magabantay sa kinatibuk-an sa kasugoan apan makalapas siya sa usa ka bahin niini, siya malinapason sa tanan niini.” Santiago 2:10

Mahimong kita moingon nga kining tanan atong gisunod, apan kung nakalapas kita sa bisan usa niini nga bahin makalapas kita sa tanan. Dili dawaton sa Dios and dili hingpit nga pagsunod. Gusto Niya nga kun kita mosunod, kinahanglan buhaton nato ang tanan nga iyang gisulti. Ang pagtoo ngadto kang Kristo nga atong Manluluwas ug ang pagtuman sa Iyang sugo mao'y makadala kanato ngadto sa kaluwasan. Tungod kay, “Sa ingon usab niana, ang pagtoo patay kon kini walay binuhatan.” Santiago 1:17. Atong gipakita ang atong pagsunod sa kabubut-on sa Dios. Gisulti ni David, “Nagakalipay ako sa pag-buhay sa imong kabubut-on, Oh Dios ko, Oo, ang imong Kasugoan ania sa sulod sa akong kasingkasing.” Salmo 40:8

“Kini mao ang katapusan sa butang; ang tanan nadungog na; Kahadloki ang Dios, ug bantayi ang iyang mga sugo; kay kini mao ang tibook katungdanan sa tawo. Kay pagadad-on sa Dios ang tagsatagsa ka buhat ngadto sa paghukom uban ang

tagsatagsa ka tinago nga butang, bisan ang maayo, kun bisan ang dautan.” Ecclesiastes 12:13-14.

Higala ang atong tibook katungdanan mao ang pagkahadlok ug pagsunod sa Dios. Ug Siya nag-andam na sa adlaw diin kitang tanan pagahukman, ug ang bugtong basihan mao ang kasugoan. Santiago 2:12. Makaplagaan kaha Niya ang atong pangalan diha sa Libro sa Kinabuhi? Makaplagaan kaha Niya nga kita nagmatinud-anon ug nagmasinugtanon Kaniya? Takus kaha kita sa pagdawat sa kinabuhi nga walay katapusan uban Kaniya?

“Tan-awa, moabut ako sa dili madugay, nga magadala sa akong ipamalus, sa pagbayad ngadto sa matag-usa sumala sa iyang binuhatan.” Pinadayag 22:12

Para sa dugang impormasyon, librenge mga Basahon, o personal nga pakigtoon, palihug ug sulat sa:

Website:

www.SDRMinistries.org

www.RemnantofGod.org

Cellphone #: 0909-2053-190

#: 0916-351-1493

#: 0932-868-6139